

اقتصادیات

نومبر ۱۷

پنجشنبہ

۷ کانون ثانی ۱۳۲۴

تاسماً توتون تجارت و زراعتی بوکونکی تضييقات و تقييداتدن قورتيلوب کسب وعت و بوايسه ثروت عموميه نك تزايدينه خدمت ايده جکدر .
 عاشراً سرمايه فائض و مؤسس و تمتع حصه لری و مأورین اجنيه معاشات کثيره سی ناميله هر سنه تقريباً ۴۰۰,۰۰۰ لیرا ممالك عثمانيه دن اجانبه کينمکده اولديغی حالده تکليف ايتديکم رژی حقنده کی شکل اداره اوزرينه مذکور مبلغ کيسه اجانبه کيرمکدن بشقه اخراجانه دولاييسيله ضم ايديله جک رسمدن ممالك اجنيه دن هر سنه ۶۲۰,۰۰۰ لیرادن فضله بر مبلغ کله جکدر .

مسرودات - الفه چاکرانهم قرین تصویب بیورلدقده اولا مضایقه سی درکار اولان خزینه جلیله بریکی جریان منابع واردات اساله ایدیلرک بونجه احتیاجات مبرمه و مستعجله دفع و بونک نتایج سیاسیه سی، اولمق اوزره ممالك عثمانیه نك مکنت لایقه سی دوبالا اوله جق و ثانیاً رفاه و سعادت حالی بووجهله تأمین بیوریله جق بونجه ملیون تبعة عثمانیه ادارسی ایادی اجانبه مودوع اولان رزیدن تخلیص ایله تجارت و صنایع و زراعت ترقی ایدرک بوندن دخی خزینه جلیله هر صورتله استفاده ایتیش بولنه جقدر .
 دیوان محاسبات رئیس

راسخ

محمود اسعد افندی حضر تلرینه جوابم

معلم هزارفک شو جوانی مطالعه بیوران ذوات ، بکن نسخه ده مندرج ایکنجی مقاله تنقیدیه مله قارشیلاشدیرمق زحمتی اختیار ایدرلرسه اعتراضامدن قسم اعظمتنک مسکوت بر اقلدیفنی یعنی ضمناً قبول ایدلایکنی کوریرلر . فی الحقیقه او مقاله مده (مدخل حقوق دول) ده شمه یلک کوزه چاریان و حتی باطن ترجمه و لسان و معنا خطالرینی - علی طریق الایجاز - یکریمی درت ماده ده جمع ایتیش ایدم . مصنف محترم - توقی ایتدیکمی بیان ایدلایکم طرز مباحثه یی اختیار ایله نومرو تختنده جواب ویرمیرک یا لک ز درت اعتراض حقنده بیان مطالعه بیورلر .
 او مطالعه لرده تماماً یا کلش .

از جمله (حقوق دول) ترکیبی (عباد) کی اعلا مدن در . تغیر قبول ایتمز دیورلر . (عبدالله) ه بر صغیر صفتی علاوه سی ایجاب ایتمدیکی زمان (عبد الصغیر) دینلمیوب (عباد الصغیر) دینلیدیکی کی (حقوق دول) ه بر صفت علاوه ایدیله جکی زمان (حقوق دول عمومی) (حقوق دول خصوصیه) طرزنده افاده ایدمک لازم کله جکی بیان بیورلمش . بو ، قیاس مع الفارقدر . عباد بر ذات تشخص ایتمدیر . بواسمک اوفق بر تعدیلی ومثالیالکمز بر (ی) علاوه سیله (عیباد) صورته قلب ایدلمسی اولکی ذاتدن باشقه بر شخصی ارا نه ایدر . (حقوق دول) ترکیبی بوقییلدن . میدر ؟ (حقوق دول) دیدیکمز کی (دولنرک حقوق ووظائف متقابله سی) (حقوق ملل) (حقوق بین الملل) (حقوق بین الدول) (حقوق عمومی خارجی) وحی (مناسبات دولیه نك قوانین علمییه سی) بیله دیه بیله جکمز کی اولجه ده ایضاح ایتمدیکمز وجهله فرانسزجه ده ده (*oit international public*) (*Droit public internationale*) و (*Droit des gens*) (*Droit public externe*) کی بر جوق شکلرده ده افاده ایده بیلیرز . و باشقه بر علم آکلاشلماز . لایتمیز دکادر . شمدی (عبدالله) ه بکنزه دیمی ؟

آندن باشقه معلم ، « (ملت) ، دین ومذهب افاده ایدر » دیوردی . بنده « ملت بروحدت سیاسی ، تاریخیه افاده ایدر ، وحدت دینه دکل » دیش ایدم . معلم صراحت بر آیت کوسترمکسزین یمن ایدر کی قرآن عظیم الشان شاهد عادلر دیدی . کتاب مبینی ، ینمزده کی قیل وقالک وهر مباحثه نك پک فوقنده طوتدیغ ایچون « عقلیاتده نقلیات ایله استشهاد ایدلمز . معافیله نقلیات فکر مترجی تأییداتمز » دیدم . معلم محترم عقلیات مقابلی ذکر ایدیلان نقلیاتک دینیات دیمک اولدیفندن تغافل ایله لسانده نقلیات ایله استشهاد اولنور دیورلر ونقلیات ایله سماعیات مراد ایدیورلر . معافیله ینه هیچ بر استشهادده بولونمورلر . بو طرزده مناظره اولماز . تعیین الفاظ ایله استشهاد وانع اولمادی که کندیلرینک نهیه استناد ایتمدیکرینی آکلایلیم . استشهاد ایدرم دیمکله بیتمی ؟ اولایتم کریمه ذکر ایتمک لازمدر نایاً - بو مبحثده شو سؤاللرده جواب ویرمیلدر :

۱ - زمان معادته هیئت اسلامی ، بوحدت سیاسی ارائه ایدیورمی ایدی ،

ایتمیورمی ایدی ؟

۲ - قرآن عظیم انشانک بر سوره سنده بر معنایه دلالت ایدن بر کلمه ک دیگر بر سوره ده باشقه بر معنایه دلالت ایتمیکی واقع دگیدر . عین کلمه - یایق و سباقه کوره مختلف معنار ویرن مفسرین کرام و محدثین عظامک اجتهاداتی تخطئه می بیوریلور ؟

۳ - لسان ناسده هر کله منحصراً قرآن کریمده کی معناسیله می استعمال اولونور یوقسه باشقه معنارده ده استعمال اولونایلیرمی ؟

۴ - بر زمانده بر معنایه قولانیلان بر کله مرور زمان ایله باشقه بر معنایه استعمال ایدیه می ؟

۵ - ملت کلمه سی دبی دکل سیاسی بر معناده استعمال ایدن بیسوک رشید پاشا ، شهید مدحت پاشا ، اعظم سیاسیونمز ، شناسی ، کمال ، ضیا پاشا ، کبی ادبامز هپ خطا ایتشده یالکیز محموداسعدافندی حضرتلری می طوغری سویله مش بونلرده عوام می ؟

برات نجاتمز اولان قانون اساسینک باشنده کی فرمانده « بزم اقصادی مقاصدمز ملک و ملت مز ثروت طبیعی و قابلیت فطریه سندن شمدیه قدر استفاده یه ممانعت ایدن اسبابک ازاله سیله » دنیسر کن چین و هندستان مسلمانلرینک قابلیت فطریه سندن استفاده می قصد ایدیلوردی نهایته طوغری قانون اساسینک « ملک و ملتک بو کونکی قابلیت و احتیاجانه مطابق » اولدینی ذکر ایدیلر کن فاس و زنکبارده کی مسلمانلردن می بحث اولونیوردی ؟

۶ - « لسان قاعده دن چیقماز قاعده لساندن چیقار » حقیقی ، استعمال ناسک قدرتی کوستر برکه اوتوز میلیون نفوسک « یاشاسین ملت » دیدکاری زمان ذهنلرنده ملت لفظیله بخارا و جاوا مسلمانلرینی تجسم ایتدیرمیوب روم وارمنی و بلغار عناصرینه ده شامل (برعثمانلیق) قصد ایتملی خطا درده یالکیز معلم حضرتلرینک ویردیکی معنای طوغریدر ؟

۷ — کندیلری کبی مدرسه دن یقشن ولسان خواجه بی اولدیغه شهبه ایدلمه ین معلم ناجی افندی مرحوم کلات عربیه نك بر تصرف عثمانیه بی بولندیغنی بیان وادله یله اثبات ایدیور معلم ادعا ایدیه ییلرلمی که ترکیده مستعمل هر کله عربیه همه حال تصرف عربیه وجهله استعمال ایدلمکده در؟

(bons offices)، توسط دیمدم معلم (mediation) نه دیه جکمی صور یورلر. و بویکی کله اده سنده کی فرقی کس دیروب آتیورلر. کندیلری پرادیه قودره بی اوقومش اولسار بویکی کله ایچون پک قولای حکم ویرمز لر و ییچاق کی کسب آتامازلر. معافیله تعبیر ایجاد اتمک لازمه برینه (عرض دلالت تألیفیه، معاونت اشتلافیه) (عرض وساطت دوستانه) دیگرینه توسط، وساطت فعلیه، آره یه کیرمه دیمکده هیچ بر محذور کور میورم هر حالده بونلر اصطلاح اعتبار یله مساعی جمیلهدن ده موافقندر.

(Consulat de la mer) ی شهیندرخانه بحری دیه ترجمه ایدن کرک کندیلری اولسون کرک سائر بر ذات اولسون بو ترجمه یا ککش در. اعتراض شخصه دکل، کتابده کی خطیثانه در. خطا، ایستر رأساً اولسون ایستر آخره تبعاً اولسون خطادر شاید بر مقابلی بولونمه یه جق ایسه (بره ولف مجهولک Consulat de la mer عنوانی اتری) دیه بر اقق دها بیوک خطا اولمازدی یا! اولکی مقاله ده تعداد ایتدیکم عبارده لک بوز قلفنه، مأسزلکنه نیچون اعتراض ایتیمیم؟ بوزوق عبارده دن معنا چیقماز. معا چیقما نیجه کتاب فائده سز اولور. معناسی و مالی اولمیان بر ائرده تنقیده او غرار بوندن طبیعی نه اوله ییلیر؟ بواتری قلاسیک بر کتاب دییه اله آلان و سواد سطور آره سنده سراب مال آرایان اولاد وطنک وقتنه یازیق دکلکی؟

(کفکن علی هفتر) ی پک بکنمشلر. بن یونک برینه (هفترک کتابنه کفکنک یازدیغنی شرح) دینسون دیمدم. بیلیو غرافی بحثنده ایضاح ایدله کدن صوکره (کفکن - هفتر) (بونفیس - فوشیل) کبی بر صورت اختیار اولونه ییلیردی. ایکنجی دفعه یازماشم. اختصار ایچون در. اعتراض ایتدکلر.

مدن ماعدا او قدر خطا وارکه تعدادی (مدخل) دن بیوک بر جلد تشکیل ایدر
از جمله (شهبندر خانه بحری) تک بر آرزو قاریسند Consensus gentium تعبیرونده کی
Consensus ک Consience معنانه آلهرق « عالم بشریتک وجدانی » دیه
ترجمه ایدلمسی خطای فاحشدر . بلکه ده طالع لمدن تولد ایتمشدر . شمس الدین سامی بکک
فرانسزجه لغته مراجعت اولونسون دیدیکم ، بولغی مستشهداندن عدایتدیکم ایچون
دکل « باری اوکا اولسون باقیلسه ایدی ! » تقدیرنده در .

سامی بک لغتده race مقابلی تعداد اولنان بر چوق کلهلر آرمسند سلاله ده وارمش .
سلاله معناسیده انحصاری دکلدر بر چوق معنا میاننده مترجم توافق ایده فی انتخاب
ایده جک .

ایکنجی اوچنجی طبعلره کلنجه مؤلف دیلرسه بشنجی طبعی ده شمیدین
مطبعیه ویره بیلیر کیمسه کیمسه نک کیسه سنه قارشماز . معافییه بزینیه مطالعه
مزی یازار ، اولاد ملتک ذهنی تعلیم اولونمقدن وقایه چالیشیریز . مکاتب
عالیه ده کی وطن قارشلرم بو خدمتی تقییح ایدرلرسه سکوت ایدرم .
شونی ده تکرار سوله مکملوم کور بیورم که تنقیدات طوقو ناقلی اولسده علمیدر ،
شخصی دکلدر .

استاد محترمک سائر علومده کی وقوف بی نهایته سنه عرض حرمت و غبطه
ایدرم .

مشار الیه زمانمز کنجلی کی بالکنز بر علم ایل دکل هر علم ایله مشغول اولمشلر و تحصیلک
مدهش موانعه تصادم ایتدیکی بر دورده - کندی افاده لری وجهله -
فاتح جهتنده کی مدارس علمیه مزدن پانقلاب الیده ارکان حرب صنفلر نده درسه
کنمشلردر . حیوانات و نباتات داثر اثرلری ، حقوقه ، فقهه عائد مطالعه لری
نافع عد اوله بیلر استاد محترم اگر دیلرسه (احتمالکه) مکتب حریره ده (صنوف
ثلاثه تعبییه سی) (ارکان حریره و وظائف سفریه سی) درس لر نی ، طب فاکولته سنده
(فیزیولوژی) علمی ملکیه ده (اصول مالیه) حقوقده (مجله) دارالفنونده (تاریخ)
تدریس بیورابیلرلر . فقط بومزبات عالیله رینه رغماً دیه بیلرم که فرانسزجانی

قولندیرمه دن حقوق دول ترجمه و تدريس ایده مزله . چونکه خطیبات میدانده .

A bon entendeur salut !

احمد صلاح الدین

هوسکاران دیپلوماسی به

ایشته بوکون منحصراً مسلك سیاسی به عائد بعض ملاحظاته کیریشیورم . دیپلومات سلکینک دقایق و غوامضدن بر چوق آثار معتبره موجود ایکن بنم بویه بر قاج مقاله ایله ارائه طریقه تشبیه احتمالکه جرأتکارانه بر تشبیه عداولنه بیلور . انجیق فکر مه کوره کرک حقوق دول کتابلرنده کرک « مارتنس » ک « رهبر دیپلوماسی » نام اثری کی مؤلفانده دیپلوماتلره حصر ایدیلن مباحثات صرف نظریدر . بومباحثات شبهه سر دقتله معالعه ایدلمکه شایسته ايسده سفارات معینه ایلك دفعه اوله رق کیده جک کنجیلر ایچون ده لزومی درجه سنده وصایای فعلیه یی کافی کوره مدیکمدن شونقیصه یی الدن کلدیکی مرتبه اکیال ایتمک ایتدم . حسن نیتمله مناسب اوله مسه بیه مقصده از چوق یاقلاشه جق بعض معلومات سردینه موفق اولورسم بنجه کافیدر .

بر سفارت کاتینک وظائف مودوعه یی حسن ایفا ایچون رعایت ایتمی ایجاب ایدن شرائط اساسیه دن باشلوجه سی ایشنده مقدم وانتظام پرور اولمسیدر . ملکتمزک بالنسبه ساده ساکنانه . حق قلندرانه بر معیشتدن صکره اوروپانک دغدغه لی اولدینی قدر شعشعلی واکلتجلی عالمترینه طالوبده وظیفه ده تکامل ایتمک جای مسئولیتدر . دوشونملیدر که دولت و ملت اوروپا به کوندیرلن مأمورلردن خدمت بکار ، بو خدمت شرفی اولدینی مرتبه نازک و مهمدر .

بناءً علیه وظیفه یی هر شیئه تقدیم ایتلی ، و بوکون کوریه بیه جک بر ایشی فردایه تعلیق ایتملمیدر . خصوصاکه سفارات ایشلری معین اولمیوب هیچ برایش اولیه جفته حکم ایدلیدی بر زمانده بر خیلی مسائل تحذات ایده بیه جکندن بوکی